

۷۷۷۷۷۷۷۷

سنة : ۲ محرم ۱۳۴۳ نموز ۱۳۴۰ صائی : ۱۵

دار الفنون

حقوق فائز اولیٰ محمد علی

حقوق اقتصادیات

ایکی آبدہ بر نشر اولنور

مذرجات

قسم حقوق :

قضا صلاحیتک شخص وموقع اعتباریلہ تابع اولدیقی تجدیدات [جیل]
میراث ونفقہ ولی ووصیلرہ اذن اعطاسی خصوصندہ صلاحیتدار اولان محکمہ . . . [رشید]
فرانسه حقوق مدنیہ سندہ علت نظریہ سی [صدیق سائی]

قسم اقتصادی :

استقراض و دیون عمومیه [مابعد] [عینی زاده حسن تحسین]

وثائق قسمی :

واجبات قومیسونی ضبطنامہ لری
حقوق مؤسسہ سی تاریخی [ماردینی زاده ابوالعلا]

استانبول — مطبعة عامره

۱۳۴۰ — ۱۳۴۳

ایکینجی اجتماع

اوجیوز ایکی سنه می تموزینک یکر می طفوزنجی صالی کونی مکتب حقوق انجمنی اجتماع ایدرک مکتب مدیری سعادتلو امین بک افندی ایله معلملردن عطوفتلو قسطاکی وفضیلتلو عبدالستار و تحسین و سعادتلو یانقو افندیلر حضراتی حاضر اولدقلری حالده آتی الذکر موادی حاوی مخطره قرائت اولندی .

اولاً مدت تعطیل قنئی کونه قدر تمید اولنه جقدر .

ثانیاً تعطیل ختامنده باشلایه حق اولان مأذونیت صنف امتحانلری تحریری یوقسه شفاهی می یاخود بعضیسی تحریری بعضیسی شفاهی می اوله جقدر .

ثالثاً دخول امتحانک صورت اجراسی .

رابعاً پروغرا ملرک تعدیلی لازم کلوب کلیه جکی .

خامساً مکتبه قاج دفعه کلیان طلبه امتحانه قبول اولنیه جقدر .

سادساً ترفیع صنف ایچون قاج نقطه لازمدر وبرد رسده مثلاً اون بش نقطه آله میان طلبه رد اولنه جقمی ؟

سابعاً صنف امتحانه سامینک قبول اولنوب اولنیه جقمی .

ثامناً دعوی وکیللرینک شفاهی امتحانی قنئی کون اجرا ایدیله جکدر . مواد مذکوره حقنده شو وجهله مذکوره جریان ایتشد .

اولاً : آغستوسک اوچنجی بازار کونندن اعتباراً عموم درس لر تعطیل اولنوب ایلولک برنجی کونی صنف امتحانلرینه مباشرته تشرین ثانیدن اول نهایت بوله جق وشهر مذکور ابتداسندن اعتباراً سنه جدیده درس لرینه بدأ ایدیله جکدر . مأذونیت امتحانه دخی ایلولک اون بوشنده باشلانه جقدر .

ثانیاً : برنجی صنف امتحانی مجله نک برنجی نصفی و جزا و تجارت بریه قانونلرندن هم تحریری هم شفاهی وارضی قانونیه مدخل حقوق و ادبیات و فرانسزجه دن یالکیز شفاهی اوله جقدر .

ایکنجی صنفک امتحانی مجله نك نصف اخیری و اصول محاکمه حقوقیه و اصول محاکمات جزائیة قانونلرندن هم تحریری و هم شفاهی و حقوق دول و حکمت حقوق و بلاغت و فرانسیزجه دن یالکیز شفاهی اوله جقدر .

مأذونیت امتحانی مجله نك عمومی و جزا و اراضی و تجارت بریه و اصول محاکمه حقوقیه و اصول محاکمات جزائیة و تجارت بحریه قانونلرندن هم شفاهی و هم تحریری و تطبیقات اصول محاکمه حقوقیه و تطبیقات اصول محاکمات جزائیة دن یالکیز تحریری . کتاب الدیات ایله اوقاف و وصایا ایله فرائض و حقوق دول و بلاغت و فرانسیزجه و حقوق سیاسیه دن یالکیز شفاهی اوله جقدر .

امتحانلر اولان تحریری و صکره شفاهی اوله حق و هر بر در سک تحریری امتحانی متعاقباً شفاهیسی دخی اجرا ایدیله جکدر .

نفس امین

اوجنجی اجتماع

اوجیوزایکی سنسی اغستوسنك یدنجی کونی هیئت سابقه حاضر اولدینی حالده انجمن مذکور عقد اجتماع ایدرک ضبط سابق لدی القرائه برنجی ماده تکرار موضوع بحث مذکره ایدیلرک شو وجهله تعدیل و تصحیح ایدلمشدر .

اولاً مدت تعطیل قلمی کونه قدر تمديد اوانه جقدر . بالجمله درس لک ایلول استدا سنده باشلیوب مایس نهایتده ختام بولسی عموم مکاتبجه جاری و مرعی اولان قاعده سالمه و مطرده اقتضاسندن اولدینی حالده مکتب حقوق شاهانه ده اشبو قاعده سالمه دائره سنده حرکت ایدلیوب امتحان زمانی و بعضاً درس موسمی حرارتک الک زیاده حکم فرما اولدینی بر زمانه تصادف ایدر یلوب حفظ صحه قاعده سنه اصلاً رعایت ایدلما مکده و بعضاً سنه امتحانلری سنه نك تانصفنده اجرا ایدلما مکده اولدینی جهتله درس و امتحان وقتلرینک بویله معین و مطرد اولماسی مقصد اصلی اولان امرام هم تحصیلی دخی سکتهدار ایده چکی بدیهی بولونمش و کرچه بعض موانع جلولتیه بوبابده مشهود اولان اطرا دسزاق میدان کمش ایسه ده بعدما بونک بقاسی جائز اوله میه جفتندن و مع مافیه بردن بره ازاله سی دخی غیر قابل بولوندیغندن سنه حالیه و آتیله تدابیر آنی الیانک حسن صورتله اجرا سنه اهتمام اولدینی و بوبابده

معلمین کرام طرفین در سلك وقت وزمانیه الكال و اتمامه همت بیورلدینی حلاله اوچنجی سنه ده مكاتبك درس و امتحانلرینك وقت و موسمی معین اوله رق جریانیه باشلار. شویله كه هر سنه درسله ایلول ابتداسنده بدأ ایله مایس نهایتده یعنی طقوز آیده ختام بولمق اوزره بوسنه یعنی اوچیوز ایکی سنه سی آغستوسنك اوچنجی کونی عموم درسار تعطیل اولوب ایلولك برنجی کونی صنف امتحانلرینه مباشرتله برای طرفنده یعنی تشرین اول ابتداسنده نهایت بوله حق و برای صكره یعنی تشرین ثانی ابتداسنده سنه جدیده درسارینه بدأ ایله حزران نهایته قدر دوام ایده جكدور.

ایکنجی - ۴ یعنی اوچیوز اوچ سنه سی تموز ابتداسنده درسار تعطیل اولوب تشرین اول ابتداسنده اوسنهك درسارینه مباشرتله مایس نهایتده ختام بوله جكدور. اوچنجی سنه یعنی اوچیوز دوت سنه سی حزران ابتداسنده درسار تعطیل ایدیلوب ایلول ابتداسنده اوسنهك درسارینه بدأ ایله مایس نهایتده الكال ایدیهك و بعد ماعدت تعطیل و موسم امتحان اشبو اوچنجی قاعده و جهله جریان ایدهك و بو ترتیب هر سنه هم طقوز ماه مدت تحصیلك دوامی و همده امتحانلرک وقت معینده اجراسی تأمین ایدر. هر سنه ویریهك اولان اوچ آی مدت تحصیلك برنجی ماهی استحضار وایکنجی ماهی امتحان و اوچنجی ماهی استراحت زمانی اولمق اوزره تخصیص و تعیین ایدیه جكدور. شو قدر كه امتحان بر آیده ختام بولمازسه استراحت زماندن بر مدت آله بیله جكدور. مواد مبسوطهك تعالیمات مشروحه دائره سنده اصول انخادی اکثریت آرا ایله تنسیب و تذکر قانمشدر.

نقصین امین

دردنجی اجتماع

اوچیوز ایکی سنه سی آغستوسنك اون برنجی بازار ایرتسی کونی هیئت سابقه حاضر اولدینی حلاله عقد اجتماع ایدرک مواد آتیه^{۱۱} حقه ده شومذا کره جریان ایتمشدر :
اولاً : امتحانلرک صورت اجراسی .

صنف امتحانلریك كوك تحریری و كرك شفاهی اودرسك معلمندن بشقه برده میز حاضر بولنه جقدو .
 مأذونیت امتحانك تحریریسنده او درسك معلمندن بشقه بر و شفاهیسنده كذاك معلمندن بشقه اوچ میز تعیین ایدیهلك و مأذونیت امتحانی علی اوله جقدو .
 صنف امتحانلریك شفاهیسنده هر درس ایچون درت و مأذونیت امتحانك شفاهیسنده كذاك هر درس ایچون بش کون مدت ویریهلكدر .
 صنف امتحانلریك تحریریسنده نهایت ایکی و مأذونیت امتحانك تحریریسنده نهایت اوچ ساعت مدت ویریهلیهلكدر .

ثانیاً: دخول امتحانك صورت اجراسی .
 دخول امتحانی قرائت و کتابت و صرف و نحو و منطق و جغرافیا و حساب و تاریخ عمومی و عثمانیدر اولوق اوزره انجمن اعضا لری حاضر اولدقلری حالدده عدلیه نظارت جلیله سندن تعیین اولنه حق میز لر معرفیه اجرا ایدیهلكدر . اشبو میز لر انجمن اعضاسی ویا مکتب معلملرندن بشقه خار جدن دخی اوله بیلهلكدر .
 دخول امتحانه کیرمك ایستیانلرك ایلول ابتداسنده اولنه حق اعلان و جهله تشرین اولك اون بشنجی کونه قدر مکتبه مراجعتله اسملرینی دفتر مخصوصه قیدایتدیرملری لازمکلور .
 تشرین اولك اون التنجی کونی دخول امتحانك اجراسنه مباشرت ایدیهلكدر .

فصل امین

.*.*

بشنجی اجتماع

اوجوز ایکی سنه سی آغستوسنك اون سکزنجی بازار ایرتسی کونی مکتب مدبری سعادتلو امین افندی ایله عطوفتلو قسطنکی و فضیلتلو تحسین و سعادتلو یانقو افندی لر حاضر اولدقلری حالدده مذاکراته ابتدار اولندی .
 قراندزجه امتحاننده نهایت اون ایکی نقطه ویریهلكدر . بهر کون هر ایکی صنفك شفاهی امتحاننده یکر می بش طلبه امتحان ایدیهلكدر .
 مکتبه کیرمك ایستیانلر تاریخ اعلاندن اعتباراً ایلولك یکر می ایکیسنه قدر کلوب اسملرینی قید ایتملری لازم کلیر .

دخول امتحانی تحریری و شفاهی اوله جقدر تحریری امتحانده اولاتورکجه بر مقاله
قلمه آلدیریله جق و آنی متعاقباً حسابدن اید اوله جق مسئلهیه جوابلر یازدیریله جقدره
شفاهی امتحانی صرف ونحو و منطق و جغرافیا و تاریخ عمومی و عثمانیدن عبارت
اوله جقدر .

امین

نصیب

..

آلتنجی اجتماع

اوچبوز ایکی سنه سی آغستوسنک یکریمی بشنجی کونی مکتب مدیری سعادتلو امین
افندی ایله عطوفتلو قسطنطینکی افندی و سعادتلو یانقو افندی حضراتی حاضر اولدقلری
حالده مذاکراته ایتدار اولندی معلمین کرام طرفلرندن طوتیلان دوام زورنالنک مقدار
ایامنک ثانی مقداری غیبه بت ایدن طلبه امتحانه قبول اولمیه جقلردر .

امین

نصیب

..

بدنجی اجتماع

اوچبوز اوچ سنه سی نيساننک یکریمی آلتنجی کونی مدیر سعادتلو امین افندی دولتلو
حسن فهمی پاشا و فضیلتلو عمر حلمی و عبدالستار افندیلر حضراتی حاضر اولدقلری حالده
انجمن عقد اجتماع ایتشد .

اوچبوز ایکی سنه سی تشرین ثانی سینده بدأ ایله اجرا قلنان مأذونیت امتحانده نائل
رؤس اولان اوتوز برافندینک درجه و سن و محل ولادتلیخی حاوی تنظیم اولنان جدولک
بالتمهیر معارف نظارت جلیله سنه تقدیمه قرار ویرلمشدر .

امین

..

سکزنجی اجتماع

بیك اوچبوز اوچ سنه سی تشرین اولنده مدیر سعادتلو امین افندی دولتلو حسن فهمی

پاشا وساحتلو حيدر افندى وساحتلو شوقى بك افندى حضراتى حاضر اولدقلرى حالده عقد اجتماع ايتمشدر .

برنجىسى : مداومت كىيىتى اولوب اوقونان درسلك اوچده برندن زياده سنه كميان طلبه امتحانه قبول اولونماز .

ايكنجىسى : برنجى صنفك امتحان مادهسى اولوب اشبو امتحان ايكنجيه . منقسم اوله جقدر .
برنجىسى ادبيات تركيه ايله فرانسزجه ايكنجىسى حقوق و سائر امتحانيدر . ادبيات امتحانده برنجى كون برمقاله قلمه آلدبريله جق وايكنجى كون اوقونان ادبيات درسندن اراد اولنه جق اسئله يه جواب يازدبريله جق اوچنجى كون فرانسزجه درسندن شفاهاً امتحان اولنه جقدر مقاله و ادبيات امتحانلرينك هر برسندن يكرمى آلتى و ثلثان يعنى ايكنسندن اللى اوچ و ثلث نقطه قزانمىانلر ايكنجى امتحانه قبول اولمىوب برسنه دهها تحصيله مجبور اوله جقدر شوقدر كه اشبو مقاله و ادبيات امتحانلرنده يالكىز فرق سكرز نقطه قزانان طلبه اللى اوچه و ارنجيه قدر اولان نقصاتى فرانسزجه دن قزانديغى نقطه لر ايله اكمل ايدمىيله جقدر فرانسزجه دن الك زياده قزانمىيله جك نقطه تكميل سيلمىكى حالده برنجى صنفده اون ايكنجىده اون بش اوچنجىده يكرميدر تحرير يده امتحان مدنى ايكنى ساعت اوله جق و بومدنده يازاميانلره زياده وقت و يرلميه جقدر .

برنجى امتحان يعنى ادبيات امتحانى ختام بولدقدن صوكره ايكنجى امتحانه يعنى حقوق امتحانه قبول اولنانلر ايچون آيروجه برجدول تنظيم اولنور اشبو ايكنجى امتحانده دخى هر درسده ايكنشمر ميمز بولنور و درسلك هانكيسندن تحريرى وقفيسندن شفاهى اوله جنى ايلروده مديريت طرفندن اعلان اولنور هر برامتحان اوچ كون امتداد ايدر .

اوچنجىسى : ايكنجى صنفك امتحانى - اشبو امتحان دخى طبقى برنجى صنف كې اوله جق فقط ادبيات يرينه بلاغت امتحانى اجرا ايديله جقدر هر درسدن ثلثان يعنى بربرى اوزرينه يكرمى آلتى و ايكنى ثلث نقطه آله ميان طلبه ترقيق صنف ايدمىز .

دردنجىسى : ماذونيت امتحانى اولوب بودخى صنفلرده اولديغى كې ادبيات و حقوق امتحانندن عبارت اوله جقدر ادبيات امتحانى مقاله و بلاغتن عبارتدر اشبو ادبيات امتحانده اللى اوچ و برثلث نقطه آله ميان طلبه حقوق امتحانه كيرمىيله جقدر و بونده صنفلرده اولديغى كې فرانسزجه نك ياردمى اولميه جقدر . ماذونيت صنفك امتحانى اوچ

صنفده او قونان درس لردن عبارت بولنه جقدر مآذونیت امتحانی اون بری تحریری و باقیسی شفاهی اوله جقدر

اشبو امتحانده تدارکی ممکن اولدیغی صورتده اوچ و یا خودایکی میز بولنور بهر درسدن کزایده قزانه بیله جک قرق نقطه اولدیغی حالده بوندن اوتوز آتی نقطه آله بیلان علی الاعلی و اوتوز نقطه قرانان اعلا یکر می آتی و ابکی ثلث نقطه آلان قریب اعلا اعتباراید بیله جکدر. بشنجیسی: هر صنفده طلبه نك قدری نسبتنده مدیریت طرفدن هر طلبه ایچون تعیین اولتان کونده کیانلرک معذرتی مدیریت زرنده قبول اولمقدیجه بردها و امتحانه قبول اولنیه جقدر. آلتنجیسی: هر صنفک امتحانده بر کتاب و یا قوییه دن یازانلر و امتحانک نقطه سندن محروم اولورلر امتحان کونلرینک تعینی مدیریته عائددر.

یدنجیسی: دخول امتحانی اولوب بودخی ابکی قسمدر اولان ترکیه به بر مقاله قلمه آلدیر بیله جق ثانیاً عصر بجه و یا خود بوکا مقابل فرانسه زجه بر قاچ عبارت یازدیر یلوب و ترکیه به ترجمه ایستدیر بیله جکدر. مقاله دن و هر بجه و یا خود فرانسه زجه ترجمه سندن جمماً الی اوچ و ثلث نقطه آله میان دیگر امتحانلره قبول اولونماز بولنردن شایان قبول اولانلرک جدوللری بالتنظیم ایکنجی ایکنجی امتحانه دعوت اولورلر.

اشبو ایکنجی قسم امتحان تحریراً حساب و تاریخ عثمانیدن و شفاهاً صرف و نحو عربی ایله قواعد ترکیه دن و یا خود بوکا مقابل صرف و نحو فرانسوی ایله قواعد ترکیه دن و جغرافیا دن عبارت اوله جقدر و بو ایکنجی قسم امتحانه قبول ایچون بربری اوزرینه یکر می آتی ثلثان نقطه آلمق شرطدر.

سکزنجیسی: فرانسه زجه ده قرانیلان نقطه نك ایکنجی امتحانده یعنی حقوق امتحانده ترفیع صنف و درجه ایچون بر تائیری اولیوب فقط طلبه نك یکدیگرینه تقدمه سبب اولور.

شوقی علی مبدی مری فله می امین

مآذونیت امتحانده کیر و بده هیچ بر درجه ده نائل رؤس اوله میان طلبه نك ک دون نومرو و آلدیغی درسدن تکرار امتحانه قبول اولنیه مناسب اوله جقی انجمنجه تذکر قلندی [۱۰]

مبدل فله می علی شهباز عزت

[۱۰] ضبطنامه ده بواجتماعک تاریخی محرر دکلدرد و دیگر اجتماعلرده اولدیغی کبی ضبطنک متننده ده اجتماعک هانکی کون عقد ایدلدیکنه دائر صراحت یوقدر بوجله دن صکره دفترده اجتماع ضبطنده تصادف ایدلیور یا لکیز « عزت » (عزیزده او قونیه بیلور) امضای مدیریتده تحول وقوعی و بو اجتماعک عزیز بکک مدیریت زماننده عقد ایدلش اولدیغی کوستربیور.

در سعادته ۱۱ ذی القعدة ۱۲۹۵ تاریخ [*] نظامنامه ايله مؤسس حقوق مکتبک
توسيع را کمال تشکيلاتی حقيره اراده سینه

تذکره معروضه :

بغداد و سوریه و قوصوه و لایترنده دخی برر مکتب حقوق تشکیلی لزومنی و بونک
اسباب موجب سنی حاوی ایتلو دولتلو مفتش پاشا حضرتلری طرفندن خاکپای شوکت
احتوای هایون جناب پادشاهی به تقدیم اولنوب با اراده سینه باب عالی به ارسال قلنان مخرطه
مجلس مخصوص وکلاده قرائت و مطالعه اولنه رق اولبایده معارف نظارت بهیه سیله لدی المخبره
ذکر اولنان مکتبلر ایچون اوچ سنه مدت تحصیلیه و ایکیشریوز شا کرد فرض اولنسه
هر برینک سنوی لا اقل یوزر بیک غروشه اداره سی تخمین اولنوب شونکله برابر بمقوله
مکاتب عالییه کیره جک شا کردانک مکاتب رشیدییه مافوقنده اولان اعدادیه مکتبلری
شهادتنامه سنی حائر و یا خود اودر جده معلوماتلی اولمسی لازمکله جکی و محال مذکورده
هنوز اعدادیه مکتبلری اچیلمدیغندن شمیدین اورالرده حقوق مکتبلری کشادنده صفات
مطلوبه نی حائر شا کرد و معلم تدارکی متعسر اوله جغندن و اسباب سائرده دن بختله بونک وقت
مرهونه تعلیمی و شمیدیلک در سعادت حقوق مکتبک توسیعی ایله بوکا بالجمله ولایات شاهانه دن
شا کرد جلی صورتی مناسب اوله جنی جواباً بیلدیرلش و صورت اشعار موافق مصلحت
کورونمش اولدیغندن در سعادته تشکیله تشبث و ابنیه سی دخی اکال اولنان مکتبک اول
امرده کشادی و ولایتلردن دخی شا کرد جلی و بونده تدریس اولنه حق درس لک آوروپا
حقوق درس لرینه توفیقی ضمننده ایفای مقتضیات لازمه نک عدلیه نظارت جلیه سنه حواله سی
حقنده هر نه وجهه اراده سینه حضرت ملوکانه متعلق و شرف صدور بیوریلور ایسه انفاذ

[*] بوتاریخ نظامنامه به نقل و اشارت ایدلماش اولدیغندن قانونلر مزک جمع و ترتیب، نشر و تهذیبده
اونوتیلماز همتلری سبق ایدن مدونات قانونیه مدیر سابق قره قوچ سرکز افندیدن بالتحقیق
اوکره نیامشدر .

منطوق منیفه ابتدار ایدیله جکی و مذکور مختار به لی تذکره لفاً عرض و تقدیم قلندی
بیانیه تذکره شاعری ترقیم اولندی .

۲۰ محرم ۱۲۹۷

سعید

اراده بی مبلغ هاش :

رسیده دست اعظیم اولان اشبو تذکره سامیه و کالتپناهی لیه ملفوف تذکره منظور
هایون حضرت پادشاهی بیورلمش و تذکره ده استیدان اولندی و جهله ایفای مقتضیات لازمه نك
نظارت مشارالیه حواله سی متعلق و شرف صدور بیوریلان اراده سنیّه جناب جهانبانی منطوق
منیفندن اوله رق مذکور تذکره صوب سامی عادیو یلرینه اعاده ایدلمش اولمغله اولباده امروفرمان

۲۱ محرم ۱۲۹۷

علی رضا

۱۵

متفرق و تالو

۱۳۰۶ تاریخندن صکره جریده محاکم ایله دوات سالنامه لرنده حقوق مؤسسه سی تدریساتی ایله
مدرس لرینه و علی الاطلاق مؤسسه شئوننه عائد معلومات اولمادیغندن متفرق صورتده الیه ایدیلوب
بو جهت لری تنویر ایتمکده بولنان و نائقد که تاریخ صراسیله نشر و تلفیق اولمشدر :

۱

مکتبده معلم معاونلکی حقنه مربیت تذکره سی :

معلم معاونی نامیه مقدما مکتب حقوقده بولنان نظمی افندینک ... حسیله مقام عالی
نظارتنه ایدین وقوع بولان امر شفاهی اوزرینه مدیر سابق سعادتلو عزیز بک افندی
حضر تلی طرفندن انفصال ایتدیرلدیکی و شیمدی ایسه مکتبجه معلم معاونلکنه لزوم
اولمادیغی بیان اولنور افندم .

۱۷ ربیع الاخر ۳۰۹ و ۷ تشرین ثانی ۳۰۷

۲

شهادتنامه لری تیرش طغره طبعی و تفرعانی حقنه مجلس کبیر معارف خطاباً مربیت
تذکره سی :

نمونه سی ارائه اولنان تیرشه نك بهر طبقه سی پارسده سکر فرانغه اولدیغی و بورایه ایکی

فرائق قدر مصرفه جلب ایدیه بیله جکی دولتلو ناظر پاشا حضر تلی طرفدن پارسه بالواسطه وقوع بولان اشعارك جوابدن مستبان اولمش و بهر طبقه کاغددن ایکی عدد شهادتنامه حاصل اوله جتی بالمعاینه آ کلاشیلیمش اولمغه ایکی یوز شهادتنامه اولمق اوزره یوز طبقه تیرشه نك جلب واشتراسی خصوصنده مأذونیت اعطاسی .. الخ

۱۲ مارت ۳۰۸

۳

مبصر و حسنی افندی برك معلمكده تعییندری مفسره تذکره نظارت :

مرحوم تحسین افندی دن منحل قالان مجله درسه شهری بیک غروش معاشله محکمه استیناف اعضاسندن فضیلتلو حیدر افندی نك و کتاب الدیات و جنایات درسنده شهری سکر یوز غروش معاشله اوقاف هایون مفتشکی مستشاری فضیلتلو حسنی افندی نك تعیین اولندقلرندن بحثله کندیلرینه بالتبلیغ [*] درسلینه مباشرتلی تاریخلرینك اشعارى ... الخ

۱۴ جمادی الاخر ۱۳۰۹ و ۲ کانون ثانی ۱۳۰۷

۴

مؤسسه ده کی مأموریه مفسره مدیریت تذکره سی :

مکتب حقوق شاهانه ده مستخدم اولان و تقاعد صندوقی عائداتیه مکلف بولتان کوچوک ، بویوک کافه مأموریتدن مجدداً بررقطعه ترجمه حال ورقه سی اخذوارسالی لزومنه دائر شرفتوارد ایدن امر نامه عالی جناب نظارت پناهیلری مکتبجه عائدات مذکوره ایله مکلف یالکیز مبصر ارماتون افندی اولدیغندن مومی الیه لدی التبلیغ .. الخ

۲۲ شباط ۳۰۷

[*] حیدر افندی حضرتلرینه یازیلان مدیریت تذکره سنده « کتاب الشرکه دن اعتباراً درسه شروع اولمق اوزره » و حسنی افندی مرحومه یازیلان تذکره ده ده « کتاب القاضی الی القاضی و کتاب الشهاده علی الشهاده درسلی ذاتاً تدریس ایدیلرک بوسنه ایچون یالکیز کتاب الدیات و جنایات قالمش اولدیغی » عباره سی موجوددر . حیدر افندی حضرتلری کانون ثانی نك یدنجی صالی کونی درس تقریر ایتمک اوزره مؤسسه یه دعوت اولمقده در . مدیریتک معارف نظارته تقدیم ایتدیکی ۷ کانون ثانی ۳۰۷ تاریخی تذکره ده مشارالیه مالک بو تاریخده درسه مباشرت ایتمش اولدقلری بیلدیرلشددر .

قاپرئیل افندیك معلمكی مقننه مدیریت مذکره سی :

باب عالی حقوق مشاوری سعادتلو قاپرئیل افندی حضرتلری مقدا مکتب حقوقده اختیاری اوله رق کشاد اولنان دردنجی صنفه براز مدت حقوق دول درسی تدریس ایتیش ایسه ده معاش آلدیغنه دائر برکونا قید کوريله مامش اولدیغنك بیاننه ابتدار اولنور.. الخ

۱۴ مارت ۳۰۸

طلبه نك تأمین درامه دائر مدیریت مذکره سی :

مکتب حقوق نظامناسنك اون سکنزنجی ماده سنده بلا عذر مقبول سکنز کون دوام ایتیمان طلبه نك مکتبی ترک ایتیش عد اولنه جفی محرر بولمنسه نظراً بوجبوریت بزده هنوز علم حقوق اربابی لزومی درجه ده تکثر ایده مامسی جهته بوفی خارجه تحصیل ایتنك ممکن اوله میه جفی مطالعه سنه مستند ایدوکی درکار بولمنسندن یلری کلوب شو حالده بر طلبه نك مدت غیوبتی اوسنه تعلیم ایدیلن درسی تحصیله مانع اوله جق درجه ده کورلیدیکی صورتده معذرت مشروعه سی تحقق ایتسه بیله او طلبه نك امتحانه قبول ایدلمه سی مقصد مشروحه موافق دوشه جکنی و بونك ایچون درس لک ثلثی مقیاس طو تلق مناسب اولوب چونکه بر درسك ثلثنده حاضر بولنیمان طلبه کنیدی کنیدینه چالیشمقله تلافی مافات ایده میه جکی بدیهی بولندیغندن سنده اوچ آی مکتبه دوام ایتیانلرک امتحاندن محرومیتی و مع مافیه اوچ آیه قدر معذور اولانلرک امتحانه قبول اولنه بیلنك ایچون ینه اثبات معذرت ایتملری لازم کله جکی مکتبجه اصول اتخاذ .. الخ

۱ حیران ۱۳۰۸

درس ساعتلری مقننه معلوماتی منضمین مدیریت مذکره سی :

لاجل التحصیل صباحلری مکتب حقوق شاهانه یه دوام ایتکده اولان افندیلرک محل مأموریتلرینه عودتلرینه ساعت قاچده رخصت ویرلدیکنك بیانی افاده سنه دائر

تذکرہ بہرہ لری (ژاندارمہ دائرہ سی محاسبہ قسمی مدیریتنہ خطاب ایدلمکده در)
مطالعہ کذار ثنوری اولدی مکتبک ایلول ابتداسنه قدر تعطیل اولمی حسیبلہ شو زمان
ایچون برشی دینله میوب آنجق ایلول ابتداسندن اعتباراً درسره ساعت اوچ بچقده
(اذان ساعت) بدأ اولنوب آلتی بچقده نہایت ویریلہجکی و بناء علیہ بوساعتدن صکرہ
طلبہ نک محل مأموریتلرینہ عودت ایدہ بیلہجکی بیانیلہ ترقیم جوابنامہ یہ ... الخ
۹ تموز ۱۳۰۸

۸

مدرسل علم حقوق و حکمت حقوق درس لرینک پروگرامده لغوی کیفیتلرینہ باعث
میریت تذکرہ سی :

بوکرہ مکتب حقوق پروگرامندن لغو ایدیلان مدخل علم حقوق و حکمت حقوقدن
منحل قلان بیک ایکی یوز غروش معاشدن اوچ یوز الی غروشک اصول فقہ درسنه و اوچ یوز
غروشک حقوق اداره درسنه و اوچ یوز الی غروشک دخی بودفعہ پروگرامہ ادخال ایدیلوب
طرف عاجزانہ مدن تدریس ایدیلہجک اولان اجرا قانوننامہ سی درسنه و ایکی یوز غروشک
دخی مکتب مذکور کاتبی شوقی افندی بنده لرینک معاشنه ضمی و ارادہ سنیه تاریخندن
اعتباراً معاملہ لازمہ سنک اجرایی ضمنده کیفیتک محاسبہ یہ امر وحوالہ سی ... الخ
۲۰ اغستوس ۱۳۰۸

۹

حکمت حقوق و مدرسل علم حقوق درس لرینک معنی یاشا مرصوم میریتک
الفادہ باعث جالب دقت تذکرہ سی عیناً :

دولتو منیف پاشا حضر تدرینہ

مکتب حقوق شاهانہ ده تدریس اولنان حکمت حقوق و مدخل علم حقوق درس لرینک
لغوینه مجلس مخصوص وکلا قراریلہ بالاستیذان ارادہ سنیه حضرت پادشاهی شرفمتعلق
بیوردینی بوکرہ معارف نظارت جلیله سندن وارد اولان ۲۰ اغستوس ۱۳۰۸ تاریخی
تذکرده امر و اشعار قنمش اولدیغنک عرض و بیانه مبادرت قلندی .

۱۰

مکتب حقوقده مبصر تشکیلاتی هفنده مبریت تذکره‌سی:

مکتب حقوق مبصری آرمائون[*] افندینک تورکجه اوقویوب یازمه‌سی اولماسی ووقت و زمانیه ایشینک باشنده بولونمسی حقنده وقوع بولان تنیهاتی اصفا ایتماسی و ذاتاً کندوسی مکتب ایشارلیله مشغول بولونماش اولدیغندن وظائف مودوعه‌سی ایفادن تمامیه عاجز بولنمسی مبصرلغه عائد امورک بالکلیه معطل قالمسنی موجب اولمقده اولدینی کبی تحریری امتحانلرده دخی کوریلان عدم تقیدی سالب امنیت اولمقده و بناءً علیه امتحانلرک صورت سالمده جریانی تأمین ایده مامکده بولنسنه بناءً مکتبده بقاسی قطعیا جائز اوله‌میه جعندن مومی‌الیهک عزلی و مکتب مذکور طلبه‌سنک دواملری تحت مجبوریتده بولندینی جهتله بر مبصرک درت صنفده یوقلمه اجراسی قابل اوله‌مایه جعندن ایکی صنفده بر مبصر اولمق اوزره معاش مخصوصی اولان درت یوز غروشک ایکیه تقسیمیه ایکی مبصر انتخاب و عرض اولونمق اوزره کیفیتک طرف بندکانه‌مه امر واشعارای خصوصنه ... الخ

۱ ایلول ۱۳۰۸

۱۱

مکتب حقوقک ملفی لسانه مکتبه نقلی دملنیک لزوم تعمیریه هفنده مبریت تذکره‌سی:

مکتب حقوق شاهانه اولمق اوزره ترک و تخصیص بیوریان ملفی لسان مکتبنک لفا تقدیم پیشگاه سامی نظارت پناهیلری قلنان کشف پوصله‌سی موجبجه اجرای تعمیریه خصوصنک لازم کلنله امر وحواله بیورلمسی بابنده ... الخ

۳ ایلول ۱۳۰۸

۱۲

ایکی مرهم درسک الفاسی بحرانی ولی ابره اراده‌ده صکره مبریت تذکره‌سی :

مکتب حقوق شاهانه دن بوسنه مأذونیت رؤسنه نائل اولان یکرمی طقوز افندی طرفندن تنظیم واعطا اولان تشکر نامه منظور عالی بیوریلهرق بوافندیلردن هیچ برینک [*] بو ذاتک مؤسسه دن اخراجی منیف باشا مسئله‌سیله علاقه دار کورلمکده در.

آچیفده براغيلموب برماؤريته يرلشديرلسي و مومي اليهمدن لياقت مداليه سيميله تلطيفلري
استدعا ايديلان احمد جودت وسليم حسني وشوقي افنديلرك ترجمه حال ورقه لرنيك تقديم
عتبه عليا قلمسي خصوصلرينه اراده سذيه حضرت خلافتپناهي عنايت افزاي سنوح
بيورلديقندن مذکور اوچ افنديك ترجمه حال ورقه لري آلنه رق سريعا ارسالي وايچنرنده
دوائر واقلام دولته دوام ايدانلرله هيچ بریده خدمتي بولمیانلرك بردفترنيك اسبالي حقنده
هامه پيراي تعظيم و تجليل اولان ۷ ايلول ۱۳۰۸ تاريخي تذکره عليه نظارتپناهيلري
اوزرينه حکم اراده مراحم عاده جناب شهنشاهي مومي اليهمه تبشير ايديله رك بووسيله ايله
دخي حمله سي طرفندن دعای دوام عمر و اجلال و ترايد شوکت و اقبال شهر ياري تکرار
علي التکرار تذکار ايدلش و سالف الذکر اوچ افنديك آلنان ترجمه حال ورقه لريله
جمله سنك اسامي و مشغوليتلريني مابين تنظيم قلنان دفتر لفا تقديم پيشگاه عالي جناب
نظارتپناهيلري قلمش اولمغله .. الخ
۱۰ ايلول ۱۳۰۸

۱۳

عموم معلومه خطباً دعوی و طالتي امتحانی ایچونه استد اضفاری حقنره مربريت

مذکره سی :

طشردده دعوی وکالتی ایتمک استدعاسنده بولسانلرك ولايات انجمن عدليه لرنجه اجرا
اولنان امتحانلرنده تعين ايديلن اسلنهك تقدير اهليته غيرکافي کورولديکي جهته مذکور
امتحانلرده تحقق اهليته مدار اوله جق درجه ده سوال ایراد و انتخابنيك ايجاب ايدنلره تعميماً
تبليغي حقنده سبق ايدن مخبره اوزرينه سالف الذکر امتحانلرده ایراد اولنه جق اسلهي
معرف برر نمونهك ارسالي لزومي عدليه نظارت جايلاه سنك اشعارينه عطفاً باتذکره عليه
نظارتپناهي امر و اشعار بيورلمش اولديقندن طرف ندن تدريس بيوريلان
درسته عائد نمونهك سرعت تنظيم و تسيارينه همم ... الخ ۲۱ تشرين اول ۳۰۸

۱۴

لسانه مکتبه نقل حقنره مربريت مذکره سی

بلطفه تعالى سایه معارفوايه جناب تاجداريده تعميراتي ختام بولمق اوزره اولان
ملغا لسان مکتبه برقاچ کونه قدر نقل ايديله جکندن مصارف نقلیه اوله رق ايکي يوز الی
غروش اعطاسي خصوصنک محاسبه امر و حواله سي خصوصنه مساعدۀ عليه جناب
نظارتپناهيلري سزاوار بيورلمق بابنده
۲۲ تشرين اول ۳۰۸

۱۵

درس پروگرامك طبعی مقننه کی اراده دره باحث مربیت مذکره سی :

مکتب حقوق شاهانه تدریس اولمقده بولنان درسلك پروگرامك تقدیم وارسالی مقتضای اراده سنیه جناب پادشاهی دن بولوندیغی مین شرفوارد اولان ۳۱ تشرین اول ۳۰۸ تاریخی تذکره علیه جناب نظارتیناهیلری اوزرینه مکتب مذکورده تدریس اولنان درسلك اسامیسی محتوی پروگرام بالتنظیم لفاً تقدیم حضورعالی آصفانهلری قلمقله اولبابده ۲ تشرین ثانی ۳۰۸

۱۶

مکتب باغچہ سی مقننه مربیت مذکره سی :

عتیق حقوق مکتبنه مخصوص باغچه اولماق و بناسی کوچوک بولونمق حسبیه ایکی نفر دن عبارت اولان خدمه ایله اداره ایتدیریه بیلیمکده ایدیسده مکتب حقوق شاهانه اولمق اوزره ترك و تخصیصی خصوصنه اراده سنیه حضرت پادشاهی شرفتعلق بیوریان ملغا لسان مکتبی بنا وباغچه سنک وسعتی جهتیله ایکی خدمه ایله اداره سی قابل اوله مامسنه بناءً باغچوان و خدمه معاشاتی اولوب مکتب مزبورله برابر نظارت جلیله آصفانهلرینه نقلی لازم کلن سکز یوز غروشك مکتب حقوق تخصیصاته ضم و علاوه سی ضمننده کیفیتك خارجیه نظارت جلیله سنه انباشنه مساعدۀ جلیله جناب نظارتیناهیلری شایان بیورلمق بابنده ۱۲ تشرین ثانی ۳۰۸

۱۷

دعوا وکالتی استدعاسنده بولنانلردنه آنانه رضعتنامه خرجلری مقننه مربیت مذکره سی : مکتب حقوقك معارف نظارتنه التحاقندن شمدیه قدر مراجعت ایدن و دعوی وکالتی استدعاسنده بولنان اشخاصدن آلنان رخصتنامه خرجلرینك بر دفترینك تاریخ و اسملریله برابر ازیار و ارسالی حقنده معارف محاسبه سنک حواله اولنان مذکره سنه جواب: ۱۰ تشرین اول ۳۰۸ اشبومذکره مطالعه کذار عاجزی اولدی . زمان مأموریت عاجزانه مدن اول رخصتنامه خرجی اوله رق ورود ایدن مبالغه و زنیه تودیع ایدمک و یاخود مکتبک بعض نواقصی اکمال اولونمق اوزره مدیر سابق طرفندن اخذ ایدمکده اولدینی جهته بو بابده مکمل بر قیده دسترس اولونه مامش ایسه ده ابتداء مأموریت عاجزانه اولان ۱ تشرین اول ۳۰۷ تاریخندن صوکره ورود ایدن دعوی وکیللرندن رخصتنامه خرجی

اولان اون ليراي تسليم وزنه ايتدكلرينه دارمحاسبه علم وخبرني ابراز ايتمكسزين امتحانلرينه شروع ايدلمه مكده ايدوكندن مذكور اوچوز يدي سنه سي تشرين ثاينسندن شيمدي يه دكين مراجعت ايدن وكيللرك اسامي و رخصتنامه خرچلرينك نظارت جليله لري محاسبه سنه تاريخ تسليمي ميين تنظيم قلنان دفترلفاً تقديم پيشگاه جناب نظارتپناهيلري قلممش اولقله اولبايده ۲ كانون اول ۳۰۸

۱۸

ارميرز سكرده مدارم طلبك عذرمنده بامت مبريت تذكره سي:

مكتب حقوق شاهانه ده اليوم نه قدر طلبه بولونديغك سرعت اشعاري لزومني آمر شرفوارد ايدن ۱ كانون اول ۳۰۸ تاريخي تذكره عليه نظارتپناهيلري مطالعه كذار كمتري اولدي. مكتب مزبورك برنجي سنه سنده ۳۸ ايكنجي سنه سنده ۷۴ اوچنجي سنه سنده ۶۳ دردنجي سنه سنده ۳۶ و اليوم ماذونيت امتحانلريله مشغول اولان ۴۱ كه جمعاً ۳۲۲ طلبه موجود اولديغك عرضنه مسارعت قلندي ۲ كانون اول ۳۰۸

۱۹

رخصتنامه مبرميرك مكتب كتبخانه نه تخصيصى حقمنده مبريت تذكره سي:

مكتب حقوق شاهانه منفعتنه اوله رق دعوي وكالتي مسلكنه دخالت استدعاسنده بولنانلردن اخذ واستيفا اولنه رق نظارت جليله آصفانه لري وزنه سنه توديع اولونمقدم بولنان اوزر ليرا رخصتنامه خرچك طلبه مكتبك توسيع معلوماتنه ومعلمين كرام حضر ائتك تسهيل مراجعتنه مدار اولمق اوزره مكتب كتبخانه سنه تخصيص واعطاسيله كتبخانه نك برحال مكملته ايصالي لازمه دن اولديغي وذاتاً مذكور خرچلرك مكتبك ترقيسنه خدمت ايدمك بوكي خصوصات ايچون استيفا اولنسي اساسنه نظراً بوصورت نزدعالى نظارتپناهيلرنده دخي تصويب بيورلديغي حالده بوندن بويله ورود ايدمك مبالغ مكتبده آليقونيله رق نظارت جليله لرينه معلومات ويرلك وصورت صرفي حقمنده تنسيب و اراده بيوريله حق وجهله برتعايلات ياپيله رق تقديم قلمق اوزره كيفيتك امر واشعارينه مساعدۀ عليه جناب نظارتپناهيلرينك شايان بيورلمسي استرحامنه مسارعت اولندي اولبايده